

## اتوار 31 دسمبر، 2023

## مضمون۔ کرچن سائنس

سنہری متن: یوحنا 8 باب 32 آیت

”تے سچائی نال واقف ہوو گے تے سچائی تہانوں آزاد کرے گی۔“

جوابی پڑھائی: یسعیاہ 40 باب 1، 4، 5 آیتاں

یرمیاہ 31 باب 10 توں 12 آیتاں

- 1- تسلی دیووتسی میرے لوکاں نوں تسلی دیو۔ تہاڈا رب آکھدا اے۔
- 4- ہراک نشیب اچا کیتا جاوے گا تے ہراک ونگی شے سدھی تے ہرناہموار تھان ہموار کیتی جاوے گی۔
- 5- تے خداوند اجدلال آشکارا ہووے گا تے سارے انسان اوہنوں دیکھن گے کیوں جے خداوند نے اپنے مونہوں آکھیا اے۔
- 10- اے قومو! رب دا کلام سنو تے دور دے جزیریاں وچ منادی کرو تے آکھو پئی جنسے اسرائیل نوں تترتتر کیتا اوہ ای اوہنوں اکٹھا کرے تے اوہدی اچھی نگہبانی کرے جیویں گڈریا اپنے گلے دی۔
- 11- کیوں جے خداوند نے یعقوب داندیہ دتا اے تے اوہنوں اوہدے ہتھوں جیہڑا اوہدے توں زور آورسی رہائی دتی۔

12- ایس لئی اوہ آؤن گے تے صیہون دی چوٹی اُتے گاؤن گے تے خداوند دیاں نعمتاں یعنی اناج تے مے تے تیل تے مجھاں گاناواں دے تے بھید بکریاں دے پچیاں ول اکٹھے جان گے تے اوہناں دی جان سیراب باغ وانگر ہووے گی تے اوہ فیر کدی دُکھی نہ ہون گے۔

درسی وعظ

بائبل وچوں

1- یسعیاہ 61 باب 1 آیت

1- خداوند دی روح میرے اُتے اے اوہنے مینوں مسخ کیتا پئی حلیمیاں نوں خوشخبری سناواں۔ اوہنے مینوں گھلپائی شکستہ دلاں نوں تسلی دیواں۔ قیدیاں لئی رہائی تے اسیراں لئی آزادی دا اعلان کراں۔

2- یوحنا 4 باب 6 (یسوع) توں 29 آیتاں

6- تے یعقوب دا کھوہ او تھے ای سی۔ ایس لئی یسوع سفر دا تھکا مارا ہو کے اوس کھوہ اُتے ایتج ای بیٹھ گیا۔ ایہہ چھینویں کڑھی دے نیسٹے دا ویلہ سی۔

7- سامریہ دی اک بڈھی پانی بھرن نوں آئی۔ یسوع نے اوہنوں آکھیا مینوں پانی پلا۔

9- اوس سامری بڈھی نے اوہنوں آکھیا توں یہودی ہو کے سامری بڈھی توں پانی کیوں منگدا ایس؟ کیوں جے یہودی سامریاں نال کسے طراں دا تعلق نہیں رکھدے۔

10- یسوع نے جواب وچ اوہنوں آکھیا جے توں خداوند دی دین نوں جان دی تے ایہہ وی جان دی پئی اوہ کون اے جیہڑا تینوں آکھدا اے مینوں پانی پلاتے توں اوہدے توں منگدی تے اوہ تینوں حیاتی دا پانی دیندا۔

11- بڈھی نے آکھیا اے خداوند تیرے کول پانی بھرن نوں تے ہے کجھ نہیں تے کھو بوہت ڈونگا اے۔ تے فیر اوہ حیاتی دا پانی تیرے کول کتھوں آیا؟

12- کیہ توں ساڈے باپ یعقوب توں وڈھایں جنسے ساہنوں ایہہ کھو دتا تے آپ اوہنے تے اوہدے پتریں تے اوہدے جانوراں نیں اوہدے وچوں پیتا؟

13- یسوع نے جواب وچ اوہنوں آکھیا جیہڑا کوئی ایس پانی وچوں پیندا اے اوہ فیر تریا یا ہونے گا۔

14- پر جیہڑا کوئی اوس پانی وچوں پیوے گا جیہڑا میں اوہنوں دیواں گا اوہ ہمیشہ تیکر تریا یا نہ ہووے گا بلکہ جیہڑا پانی میں اوہنوں دیواں گا اوہ وہدے وچ اک چشمہ بن جاوے گا جیہڑا ہمیشہ دی حیاتی تیکر جاری رہوے گا۔

15- بڈھی نے آکھیا اے خداوند اوہ پانی مینوں وی دے تاں جو میں نہ کدی تریا یا ہونوں تے نہ کدی پانی بھرن نوں ایہتھے آنوں۔

16- یسوع نے اوہنوں آکھیا جا اپنے بندے نوں ایہتھے بلا کے لیا۔

17- بڈھی نے جواب وچ اوہنوں آکھیا میں بے شوہر آں۔ یسوع نے اوہنوں آکھیا توں ٹھیک آکھیا پئی میں بے شوہر آں۔

18- کیوں جے توں بیچ بندے کر چکی ایں تے جیدے کول ہن یسوع نے اوہ تیرا بندہ نہیں توں بیچ آکھیا اے۔

19- بڈھی نے آکھیا اے خداوند مینوں لگدا اے پئی توں نبی ایں۔

20- ساڈے پیو دادے نے ایس پہاڑ اتے پرستش کیتی تے توں آکھدا ایں پئی اوہ تھاں جتھے پرستش کرنی چاہیدی اے اوہ یروشلیم وچ اے۔

- 21- یسوع نے اوہنوں آکھیا اے عورت! میری گل دایقین کر پئی اوہ ویلہ آؤند اے پئی تسی نہ ایس پہاڑ اُتے پیودی پرستش کرو گے نہ یرو شلیم وچ۔
- 22- اسی جنہوں جان دے آں اوہدی پرستش کر دے آں کیوں جے مکتی یہودیوں وچوں اے۔
- 23- پر اوہ ویلہ آؤند اے بلکہ ہن دای اے پئی سچے پرستار پیودی پرستش روح تے سچیا نال کرن گے کیوں جے پیو اپنے لئی اجیسے پرستاری لہجہ اے۔
- 24- رب روح اے تے ضروری اے پئی اوہدے پرستاروی روح تے سچیا نال اوہدی پرستش کرن۔
- 25- بڈھی نے اوہنوں آکھیا میں جان دی آں پئی مسیح جیہڑا خرسٹس آکھواندا اے آؤن والا اے۔ جدوں اوہ آوے گا تے ساہنوں ساریاں گلاں دس دیوے گا۔
- 26- یسوع نے اوہنوں آکھیا میں جیہڑا تیرے نال بول رہیا واں اوہ ای واں۔
- 27- ایہنے وچ اوہدے چیلے آگئے تے حیران ہون لگے کیوں جے اوہ بڈھی نال گلاں کر رہیا سی فیروی کسے نے نہ آکھیا پئی اوہ کی چاؤند اے؟ یا اوہدے نال کیوں گلاں کر رہیا اے؟
- 28- ایس لئی بڈھی اپنا گھڑا چھڈ کے شہر وچ چلی گئی تے لوکاں نوں آکھن لگی۔
- 29- آؤ، اک بندے نوں ویکھو جیسے میرے سارے کم مینوں دس دتے۔ ہو سکدا اے ایہہ مسیح ہووے؟

### 3- لو تا 13 باب 10 توں 13 آیتاں

- 10- فیروہ سبت دے دن کسے عبادتخانے وچ تعلیم دیندا سی۔
- 11- تے ویکھو اک بڈھی سی جنہوں اٹھارہ ورہیاں توں کسے بدروح دے پاروں کمزوری سی۔ اوہ کئی ہو گئی سی تے کسے طراں سدھی نہیں ہو سکدی سی۔

- 12- یسوع نے اوہنوں ویکھ کے بلایاتے اوہنوں آکھیا اے عورت توں اپنی کمزوری توں چھٹ گئی۔  
13- تے اوہنے اوہدے اُتے ہتھ دھرے۔ اوہنے ویلے اوہ سدھی ہو گئی تے رب دی وڈیائی کرن لگی۔

#### 4- یوحنا 8 باب 28 توں 32، 36 آیتاں

- 28- ایس لئی یسوع نے آکھیا پئی جدتسی ابن آدم نوں اُچے پہاڑ اُتے چاڑھو گے تے جانو گے پئی میں اوہ ای واں تے اپنے ولوں کجھ نئیں کردا بلکہ جیویں پیو نے مینوں سکھایا اوہ سے طراں ایہہ گلاں آکھداواں۔  
29- تے جنھے مینوں گھلایا اوہ میرے نال اے۔ اوہنے مینوں کلیاں نئیں چھڈیا کیوں جے میں ہمیشہ اوہ ای کم کرداواں جیہڑے اوہنوں پسند آؤندے نیں۔  
30- جدا اوہ ایہہ گلاں کر رہیا سی تے بہتیرے اوہدے اُتے ایمان لیائے۔  
31- ایس لئی یسوع نے اوہناں یہودیوں نوں آکھیا جنساں نے اوہدا یقین کیتا سی پئی جے تسی میرے کلام اُتے قائم رہو وگے تے اصل وچ میرے چیلے ٹھہرو گے۔  
32- تے سچائی توں واقف ہو وگے تے سچائی تہانوں آزاد کرے گی۔  
36- ایس لئی جے پتر تہانوں آزاد کرے گا تے تسی سچ مچ آزاد ہو وگے۔

#### 5- یوحنا 14 باب 14 توں 17، 26، 27 آیتاں

- 14- جے میرے نام توں میتھوں کجھ چاہو وگے تے میں اوہ ای کر اں گا۔

- 15- بے تسی میرے نال محبت رکھدے اوتے میرے حکماں اُتے عمل کرو گے۔
- 16- تے میں پیوا گے درخواست کراں گاتے اوہ تہانوں دو جامدگار بخشے گا پئی ہمیشہ تیکر تہاڈے نال رہوے۔
- 17- یعنی روح حق جنہوں جگ حاصل نہیں کر سکد اکیوں بے نہ اوہنوں ویکھد انہ جان دا اے۔ تسی اوہنوں جان دے اویوں بے اوہ تہاڈے نال رہندا اے تے تہاڈے اندر ہووے گا۔
- 26- پر مدگار یعنی پاک روح جنہوں باپ میرے نال توں گھلے گا اوہ ای تہانوں ساریاں گلاں سکھاوے گاتے جو کجھ میں تہانوں آکھیا اے اوہ سب تہانوں یاد دلانے گا۔
- 27- میں تہانوں اطمینان دے جاناں واں۔ اپنا اطمینان تہانوں دیناں واں۔ جیویں جگ دیندا اے میں تہانوں اونج نہیں دیندا۔ تہاڈا دل نہ گھبراوے تے نہ ڈرے۔

## 6- گلتیوں 5 باب 1، 13 آیتاں

- 1- مسیح نے ساہنوں آزاد رہن لئی آزاد کیتا اے ایس لئی قائم رہو تے دوبارہ غلامی دے جوئے وچ نہ جتو۔
- 13- اے بھراو! تسی آزادی لئی بلائے گئے اوپر ایتج نہ ہووے پئی اوہ آزادی بدنی گلاں دا موقع بنے بلکہ پیار دی راہ نال اک دو بے دی سیوا کرو۔

## سائنس تے صحت

1- 21-15:98

انسانی عقیدیاں دے کمزور احاطیاں توں آگے، عقیدیاں دی ڈھلی گرفت توں اُتے، مسیحی سیان دی شفاک ظاہر شدہ  
تے عملی سائنس پیدا کر دی اے۔ ہر دور وچ ایہہ آمرانہ رہندی اے مسیح دی سچائی، حیاتی تے محبت دے مکاشفے  
دے طور تے، جیہڑا ہر انسان دے سمجھن تے عمل کرن لئی مستحکم رہندا اے۔

2- 14-12:85

سامری عورت نے آکھیا: ”آؤاک بندے نوں دیکھو جنہں میرے سارے کم مینوں دس دتے۔ ہو سکدا اے پئی ایہہ  
مسیح ہووے؟“

3- 12-7:316

یسوع دے راہیں بدن اُتے روح دی طاقت نوں ثابت کرن لئی مسیح یعنی سچائی نوں ظاہر کیتا گیا سی، ایہہ دکھان لئی پئی  
انسانی سیان تے بدن اُتے ایہدے اثر اں دے پاروں سچائی نوں، بیماری توں شفا دیندیاں ہوئے تے پاپ نوں نیست  
کر دیاں ہوئے، ظاہر کیتا جاندا اے۔

یسوع نے مسیح، یعنی رب دے اصلی خیال نوں پیش کیتا۔

4- 6-2:223





دی بوہت گھٹ سطح اُتے مقرر کیتا گیا سی۔ ایہہ پورے جگ وچ غلامی نوں مکان ول ہو ر قدم چکن لئی بس اک پیش  
بنی سی، یعنی اوہ غلامی جیٹری وجودیت دی اعلیٰ سطح اُتے تے ہو ر نازک تے مسخ شدہ شکلاں وچ پائی جان دی سی۔

افریقہ دے غلام ولوں رب دی آواز جوی ساڈی دھرتی وچ گونج دی اے، جدا ایس نوں تحریک دے قاصد دی آواز  
سنسار دی آزادی دے بنیادی سُروانگر سنی، رب دے پتر دے طور تے انسان دے حقوق دی پوری منظوری طلب  
کر دیاں ہوئے، ایہہ مطالبہ رکھ دیاں ہوئے پئی پاپ، بیماری تے موت دیاں کڑیاں انسانی سیان توں سخت ہون تے  
ایس دی آزادی جتی جاوے انسانی جنگ دے راہیں نئیں، لہوتے خنجر نال نئیں بلکہ مسیح دی الہی سائنس دے راہیں۔

رب نے انسانی حقوق دی اک اُچی تھال بنا کے رکھی اے، تے ایہنوں اوہنے الہی دعویاں اُتے بنایا اے۔ ایہہ دعوے  
اشاریاں یا عقیدیاں دے راہیں نئیں بنائے گئے بلکہ ”دھرتی اُتے اوہناں بندیاں نال جنساں توں راضی ہووے صلح“  
دے اظہار نال۔ انسانی اصول، نظریہ پرستی والی الہیات، مادی دوائی تے صحت دے اصول، ایمان تے روحانی سمجھ نوں  
بیڑی پاندے نیں۔ الہی سائنس ایہناں بیڑیاں نوں چوراچورا توڑ دیندی اے، تے انسان دا اپنے خالق دے نال بغیر کسے  
دی شراکت دے تابع داری دا جماند روح اپنے آپ نوں پکا کر لیندا اے۔

میں اپنے سامنے کسے بیمار نوں دیکھیا، جیٹری ایس عقیدے وچ اک غیر اصلی مالک دی غلامی نوں ورھیاں توں سنبھال  
کے بیٹھاسی پئی اوہ سیان دی بجائے بدن اُتے حکمرانی کر دے نیں۔

لنگڑا، گنگا، بولا، انھا، بیمار، جنس پرست، پاپی، میری خواہش سی پئی ایہہ اپنے عقیدیاں دی غلامی توں تے فرعونان دے  
تعلیمی نظام توں رہائی پان، جیٹری اے، ماضی وانگر، اسرایلی قوم نوں قید وچ رکھ دے نیں۔ میں اپنے سامنے خوفناک  
تصادم دیکھیا، بجیرہ قلمزم تے بیابان؛ پر میں رب اُتے ایمان رکھ کے، سچائی، مضبوط مکتی داتا تے بھروسہ کر کے سفر

جاری رکھیا، پئی اوہ مینوں کرچن سائنس دی دھرتی وچ راہنمائی دیوے، جتھے بیڑیاں ٹٹ جانیاں نیں تے انسان دے حق نوں پورے طور تے سمجھیا تے نیا جاندا اے۔

میں ویکھیا پئی فانی عقیدہ ساری غلطی نوں شامل کر کے، تے ایہہ، ایہتھے تیکر پئی جابرانہ قانون متنازعہ ہندے نیں تے بشر نوں اوہناں دی آزادی دی تعلیم دتی جاندا اے، تاں جو غلام بنان والیاں حساں دے دعویاں توں انکار کیتا جاوے تے اوہناں نوں بدل دتا جاوے۔ الہی سیان دے قانون نوں انسانی غلامی نوں مکاؤنا چاہیدا اے، نیں تے بشر انسان دے غیر منفق ناگزیر حق توں لاعلم رہنا تے مایوس غلامی دے بیٹھاں رہنا جاری رکھن گے، کیوں جے کجھ عوامی معلم الہی قوت توں لاعلمی دی اجازت دیندے نیں، اوہ لاعلمی جیہڑی لگاتار غلامی تے انسانی دکھاں دی نیوں ہندی اے۔

انسان دے سارے حق نوں سمجھدیاں ہوئے اسی سارے ظلماں دی تباہی دے بارے پیش بینی کرن وچ ناکام نیں ہو سکدے۔ غلامی انسان دی جائز حالت نیں اے۔ رب نے انسان نوں جمیا۔ پولوس نے آکھیا، ”میں آزاد جمیا۔“ سارے انساناں نوں آزاد ہونا چاہیدا اے۔ ”جتھے کتر خداوند داروہ اے، اوہ تھے آزادی اے۔“

8- 227:21-2

کرچن سائنس آزادی نوں اُچا کر دی تے چیکدی اے پئی: ”میرے مگر ٹرو! بیماری، پاپ تے موت دے بندھناں توں بچو!“ یسوع نے راستہ سدھا کیتا اے۔ جگ دے واسیو! ”رب دے بچیاں دی جلالی آزادی“ نوں قبول کرو، تے آزاد ہوو! ایہہ تہاڈا الہی حق اے۔ مادی حس دے وہم نے، نہ کہ الہی قانون نے، تہانوں بنھیاں ہوئیاں، تہاڈے آزاد حصیاں نوں جکڑیا ہوئیاں، تہاڈی صلاحیتاں نوں پھڑکے رکھیاں، تہاڈے جسم نوں ماڑا کیتا ہوئیاں، تے تہاڈی ہستی والی تختی نوں خراب کے رکھیاں۔

جے رب نے انسان اُتے حکمرانی لئی مادی قانون بنائے ہندے، جنہاں دی نافرمانی انسان نوں بیمار بنا دیندی، تے یسوع نے سدھی مخالفت وچ تے ساریاں مادی حالتاں دی خلاف ورزی وچ شفا دیندیاں ہوئے ایہناں قانوناں نوں رد نہ کیتا ہندا۔

9- 127:16-19، 23-29

کرچن سائنس رب نوں ظاہر کر دی اے، پاپ، بیماری تے موت دے لکھاری دے طور تے نہیں، بلکہ الہی اصول، وڈھی ہستی، سیان بدی توں پاک دے طور تے۔

کیوں جے ساری سچیاں سیان توں جاری ہندی اے ایس لئی اوہدے وچ جسمانی سائنس نہیں اے۔ ایس لئی سچیاں انسان وی نہیں اے، تے ایہہ مادے دا قانون نہیں اے کیوں جے مادا قانون دین والا نہیں اے۔ سائنس الہی سیان دا ظہور اے تے بس ایہہ ای رب دی ٹھیک تشریح کرن دے قابل اے۔ ایہہ اصل روحانی اے نہ کہ مادی اے۔ ایہہ الہی خیالاں دا ظہور اے، یعنی نسلی دین والا جیہڑا سچیاں ول لے کے جاندا اے۔

10- 55:27-29

مقدس یوحنا دے لفظاں وچ: ”اوہ تہانوں دو جامد گار بخشنے گا پئی ہمیشہ تیکر تہاڈے نال رہوے۔“ میں الہی سائنس نوں ایہہ مددگار سمجھداواں۔

## روزانہ دے فرض

میری بیکریڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

### مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

### فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔